

C. D.

DE

# EXECUTIONE PROVISIONALI

PRÆSIDE

PETRO MÜLLERO, Jcto

Prof. Pandect. Consil. Saxon. & Colleg.

Jurid. Asseffore

in Auditorio Jctorum

ad d. Novemb. disputabit

AUTOR

GEORGIUS SIGISMUNDUS Müller

Voigtsbergâ Variscus.

---

JENÆ, Typis MÜLLERIANIS. 1684.

Illustris Regiminis  
SAO CIZENSIS DNIS PRÆSIDI,  
NCELLARIO ET CONSILIARIIS,

VIRIS

*Summe Reuerenda, Illustribus, Generosissimis,  
Magnificis atq; Excellentissimis*

DN. LUDOVICO ERNESTO

POELNIZ, Dn. in Rössen/  
Episcopat. Numburg. Præposito, ur. & Serenissimo  
ac Potentissimo Electori Saxoniz à Conſiliis  
Appellationum &c.

DN. GEORGIO FRIDERICO  
HELLDORFF,

Dn. in Rirſſch/ Zeitzdorff/ & Nethern &c.

DN. CAROLO CHRISTIANO  
FOERSTERN, Jcto,

VIRIS omnem laudem ſupergreſſis  
DNIS PATRONIS & MÆCENATIBUS

*SUIS ſummo obſervantia cultu æternum deſervendis*

Specimen hoc Academicum

in humillimæ gratitudinis memoriam ſubmiſſamque ſtudioſorum  
commendationem cum voto perennaturæ felicitatis

*dat, dedicat, conſecrat*

Illuſtriſſ. & Generoſiſſ. Magnificent. & Excellent. Veſtrarum

*Clieus perpetuus*

Georgius Sigismundus Röhner.

Cum Deo

DE

# EXECUTIONE PRO- VISIONALI.

## PROOEMIUM.

**I**ustitia suum facit officium,  
quando juxta normam in societate ci-  
vilibus præscriptam agit, non plus minus-  
ve tribuens, alteri, quàm competit.  
Modus tamen agendi non est unifor-  
mis. Aut enim agit ordinariè, præ-  
sertim ubi negotium idipsum effugi-  
tat, ac sufficienter auditis partibus latam sententiàm ex-  
equitur; aut extraordinariè, non tamen absque omni  
causæ cognitione procedit, modò quod litem sufflami-  
nari non pariat, sed, ne majus malum inde eveniat,  
statuit aliquid, quod iniquum primà fronte videtur, re-  
tamen exactius excussa rationes habet satis justas. Sic  
latitat, quandoque equitas, oculosque nostros effugit.  
Namque nec dura lex sua non destituitur ratione, cum na-  
turalis ratio anima sit legis, & lex civilis dicatur rivulus  
juris naturæ; ac proinde sequenda sit, quoniam ita scri-  
pta est *l. 13. §. 1. ff. qui ex d. quibus manum.* vid. Albert.



hinc acci-  
dit, ut quodam die in iudicio, ut supra indicat, causa per tot  
instantias, ut vocant, discussa, expectetur, multa  
intermittant, quae impediunt, quod minus in eam quid  
debetur, iuxta conferatur. Ergo nullo modo ordi-  
no contra regulam, quod ab executione non sit in-  
choandum *l. i. C. d. exec. rei judic. l. o. C. d. oblig. & a-*  
*ctio.* confugendum est ipsi ad extraordinarium, &  
cum illa acquiritur, non sit Magistratus tam ob oculos  
habere necesse est. Namque Magistratus, in primis su-  
perior, necessitate ob circumstantiarum varietatem ita  
regente, semper aequitatem stricto iuri debet praefer-  
re. Imminens averratur periculum, neque in statu, si  
suppone inaggravetur, tamen non adeo corrupto  
aliquando veniat ad petentem. Quanto enim seriore  
adversarius in iudicio oppugnet adversarium de victoria  
praeterum desperet, modo noceat, non est, quod mul-  
tis rebus monetur argumentis, de hoc quod ista sa-  
lis nos edocet experientia. In Provincia vilius obviari co-  
gnationibus naturali aequitati quam maxime convenit, licet  
remedium, quod adhibet Magistratus, non omnibus  
aequum, sed durum potius, imò violentum nonnullis vi-  
deatur; Et hoc est, quod Magistratus possit illis ad huc per-  
manere, nec sine executionem decernere, tamque esse  
sui iure. Quam executionem vocant *provisam item, vide*  
*Brunnem. ad l. si ff. ut legat. seu fideicommiss. l. a reat.*  
*num. 5.* Quae materia, cum mihi arriserit, placuit cum  
publici specimine edendi causam discutere. Deo tamen  
quae vili, huius scientiae apparatus non sicut instructus,  
qualem dignitas gravitasque materia possideri. Insuper  
pariter quantum possum, de divini numinis clementia  
et clementia quam devotissime imploramus, non  
studia huius non desperans.

# CAPUT I.

## DE EXECUTIONE PROVISIONALI IN GENERE.

### SUMMARIA.

I. Unde dicatur executio, & quid deinde. II. Quid provisio & Provisionale. III. Describitur executio provisionalis. IV. Prasupponit executio provis. sententiam provisionalem. V. Executio provisionalis non est pro actu iudiciali, quam extrajudicialio habenda est. VI. Executio fit per Magistratus vigore mixti imperii. VII. Siue provisio sit alienam habeat jurisdictione. VIII. Pro modo sua iurisdictionis quæq; Magistratus eam exequi valet. IX. Res quædam condemnari in hanc executionem veniunt, nisi excipiantur. X. Iudex eam regulariter decernit, non motu proprio, sed ad instantiam partis. XI. Id duntaxat in executionem venit, quod per decretum provisionale oblatum est. XII. Quidnam respicias hæc executio. Et quid inde adversarius consequatur.

### Th. I.

**E**XECUTIO deducitur à supino executum, verbi compositæ figuræ, exequor, quod est à præpositione ex, modum vel rationem aliquam, & in compositione augmentum notante, & verbo sequor pro facio translativè sumto, hoc loco denotat satisfactionem pro sententiæ condemnatoriæ observatione.

Th. II. Provisionis vox denotat apud Classicos Autores præponit actum providendi, Ita Cicer. 3. Tuscul. Tamen, ait, quoniam multam potest provisio animi, & præparatio ad minuendum dolorem, fuit semper omnia homini humana meditata. Apud Ictos denotat cautionem tam hominis quam legis, unde est, quod dicitur, provisio hominis facit cessare provisionem legis arg. l. si iudices. C. d. de dam. iur. Hargreht. ad print. Inst. d. testam. ordin. quasi præca-  
verunt

verunt contrahentes, non indigent cautione legali *l. fin. C. d. pact. convent.* Menoch. *consil.* 151. num. 27. & *consil.* 602. n. 5. 10. 11. 20. d. *presumpt.* lib. 4. *praf.* 190. n. 40. & 41. ubi dicit, quod tunc provisio hominis facit cessare provisionem legis, quando est super eodem facto & ad idem tendunt, secus si tendunt ad diversa, vide latè Cardin. *uschi. praf.* *conclus.* 10th. 6. lit. P. *concl.* 951. per tot. Provisio- nale argo erit, quod ejusmodi circumspectionem & cautionem im- portat; Quàm latè pateat vocabulum provisionis vid. Flam. Paris. *de resignat. benefice.* lib. 11. qn. 3. n. 62. Rebuff. *ad Consil.* Royn. Gall. tom. 1. *de. d. sentent. prajudic. seu provisional.* in *prafat.* n. 9. Utpote quando Iudex vel Magistratus ex iusta ac Reipubl. utili causa ali- quid decernit, prospicitque ne ex ejus omissione aliquid iniqui li- tiginibus accadat. Quam proximè accedit ad illud remedium, quod Iusticiis Auxilium chartæ tuitivæ regalis dicitur Bernh. Graven. *de. i. conclus.* 7. num. 2.

Th. III. Est itaque Executio provisionalis actus, quo Ma- gistratus prævia cognitione ex necessaria & iusta ratione, nondum ta- men finita causa principali vel petitorum vel alium in possessionem re- rum debitoris intriniet, ne litiganti suum pereat.

Th. IV. Præsupponit hæc executio sententiam quan- dam provisionalem & condemnationem, quam vindictariam ap- pellant Joh. à Sande *decis. friscar.* lib. 1. tit. 8. def. 3. in med. *Quic-* quid enim fieri debet ex causa, causæ cognitione opus habet *l. 13. d. minor. l. 9. ff. d. plano. ff. d. off. procons.* quam denique sequitur de- cretum vel sententia. Rejicitur enim sententia illorum, qui vo- lunt in notoriis non causæ cognitione, sed executione opus esse, quos refert Wefenb. *consil.* 2. n. 60. sed improbat n. 94. in *fin.* vid. *infr.* th. 10.

Th. V. Et licet aliàs executio extrajudiciarius sit actus, non judiciarius, nam iudicium post sententiam est demum finitum, & ex- executio eam sequitur *l. 3. C. d. execut. rei judic.* Hicce tamen noster actus in eo cum possessorio convenit, quod quidem quoad illum admittit executionem, adversario definitivæ illi non satisfaciente, in iudicio verò principali ac petitorio habetur pro actu intermedio, uti sententia non aliter quam ut interlocutoria sit, habetur. Et sic certo respectu pro iudicario, uti & extrajudicario haberi potest.

Th. VI.



Th. VI. Executionem exequitur *Magistratus*, qui siue sit persona aut naturaliter talis, suppositum nempe certum, aut civile, n. Collegium, quod juris intellectu una censetur persona, nil re-  
 ferre arg. l. 22. ff. d. fidej. & mand. Et competit Magistratui potestas ex-  
 equendi, in causis civilibus, eo quod habet jurisdictionem, quia cum im-  
 per inest mixtum imperium, ut aliqua potentia siue vietus suo toti  
 potestatiuo, sc. quando opus, exerens & jurisdictionem descendens  
 l. 1. §. fin. d. off. ejus cui mand. est jurisd. que alias vana esset atque  
 inutilis l. ult. ff. eod. ubi itaq; est jurisdictio, ibi quoq; est mixtum im-  
 perium, Obrecht. d. jurisdict. lib. 4. c. 14. n. 4. & hoc est, quod  
 notanter Scipio Gentilis d. jurisdict. lib. 1. cap. 3. scribit: *Sic con-*  
*sideramus & maiorem circa quam, jurisdictionis & imperium mixtum*  
*non differunt, quocumque enim jurisdictionis sunt, eadem & mixta*  
*imperi cause sunt.* Et postea: quod si non res circa quae versantur,  
 sed cum ipsam atq; naturam jurisdictionis & imperii mixti spectamus,  
 jurisdictionem esse dicemus, ius cognoscendi & statuendi de causis utri-  
 usque; Mixtum vero imperium potestatem, quae jurisdictioni coheret,  
 ejus iuenda atque exequenda gratia.

Th. VII. Executionem hanc provisionalem peragit Ma-  
 gistratus, siue ordinariam seu propriam habeat jurisdictionem, siue  
 alteram seu mandatam l. 1. §. ult. ff. d. eorum mand. est jurisd. Etiam  
 qui prorogatum habet jurisdictionem, seu eam juris dicendi pote-  
 statem, quam privati Magistratus, eam alias, extra istam causam ha-  
 bent, non tam dant, quam prorogant, cujus effectus est, ut tan-  
 tum iudex electus juris in consentientes habeat, quantum haberet,  
 si jure ordinatio ad jurisdictionem ejus pertinerent Barbosa ad tit.  
 d. iudic. art. 3. n. 1. & seq. eandem enim vim prorogata habet ju-  
 risdictio tum altera, & illius est naturae, cujus est prior Sichard. in  
 l. 1. C. d. jurisdict. n. 3.

Th. VIII. Pro modo jurisdictionis sue, seu prout quisque  
 eam habet ultimumque iudicii, quod est executio, exequi potest,  
 ita etiam hanc executionem peragit provisionalem. Sic Dominus  
 fundi, si non simul dominus est territorii, pronunciare quidem pos-  
 test in causa, verum in alieno territorio executionem effectui dare  
 nequit, ceu pluribus persequitur Rosenthal. d. fund. cap. 12. concl.  
 22. n. 12. add. Anton. diffin. fund. 74. ib. 1. lit. A, Sapius quoque pa-  
 sta

da vel consuetudo obstant, quo minus decernens vel sententiam promulgans ejusdem executionem habeat, exempla vide ap. Klock. *Tom. 1. consil. 37. num. 112.* executio ab iis, qui eam habent, facienda est. Quocirca magistratus vel iudex territorii, causam ad eum referendo, requiritur, ne eam iudicatam exequatur *l. 13. §. 3. C. de iudic.*

Th. IX. Res quavis condemnati in hanc provisionalem executionem, tanquam objectum veniunt, nisi jure reperiantur excepta, *art. 1. 28. §. 2. ff. de quib. caus. maj.* Sic arma militum, & expensae rationis libri, salaria & stipendia Doctorum, Advocatorum & Studioforum, si alia extent bona, eximuntur, *Gloss. in l. 125. §. 4. §. 1. 4. C. de profess. & medicis. ibique DD.* Nec in bona feudalia potest fieri executio, nisi in subsidium, & tum quidem nisi in fructus & commoditates eorum, non verò in dominium utile, multo minus directum *Gail. l. 106. §. 117.* nisi simpliciter feudum sit hereditarium *l. feud. 18.* vel alienatio ejus à Domino in feudo novo, in feudo antiquo à Domino & Agnatis simul sit concessa *2. F. 39.* vel debitum ratione feudi contractum, *Dn. Struv. in Syntagm. jur. feudal. exercit. 14. §. 5. & seqq.* Nec in bona uxoris dotalia & paraphernalia, mariti condemnati intuitu, executio provisionalis fieri potest *l. 2. C. ne uxor. promariat.* facto enim mariti causa dotis, cujus dominium limitatum tamen ille habet & revocabile, non debet fieri deterior. *Schurz. exercit. jur. 8. coroll. 1.* & jus quod in reliquis habet, maritus aliò non tendit, quam ut inde exhibeatur familia, in damnum itaque mulieris proprietaria extendi nequit *Carpzov. in process. lit. 25. art. 1. §. 6.* nisi debitum sit principalis, tunc etiam in bona mulieris fieri potest executio *per text. in l. 3. C. de principib. l. 4. C. in quib. caus. pign.* Plura vid. ap. *Coler. d. process. execut. part. 2. c. 3. num. 178.*

Th. X. Decernit regulariter iudex executionem provisionalem non motu proprio *l. 4. §. 2. d. de iur. in off. sed.* ad instantiam seu petitionem ejus, cui per decretum provisionale magistratus aliquid tributum est, siye ipse illud obdruerit, siye defunctus, cujus heres jam exsistit, idem enim cum defuncto jus habet, *l. 59. §. 1. d. R. l.* nisi id quod decretum est jus quoddam concernat personalissimum, quod ad heredes non est transitorium. *D. Präses*



*in comment. ad Reg. Jur.* Ast ad nudam & simplicem petitionem & instantiam executio provisionalis non e-  
decernenda, quilibet enim hoc petere eoq; modo adversariū perceptione fructuū spoliare posset, quod leges non permittunt. Executio absq; cognitione concessa nulla est, quippe illa adeo requiritur, ut etiam in notō is necessaria sit Bald. *in l. cum fratrem §. n. 3. C. d. his quib. ut in d.*  
Quando verò fieri possit vid. *Cap. seq.*

Th XI. Ita fieri debet executio, ut id duntaxat in illam veniat, quod per decretum provisionale obtentum seu iudicatum est. Proinde tenorem sententiæ provisionalis executorialiumq; fines non debet executor transgredi, aliās executor esse definit. Quando verò de executore dicitur, quod exceſſerit, hoc probandum est, cum pro se habeat præſumptionem; imò executio exceſſiva non in totum suspenditur, si exceſſus non in toto, sed in parte sit commissus vid. Salgad. *in tr. d. protect. reg. vi oppr. p. 4. c. 3. per tot* Carpz. *lib. 3. resp. elector. tit. 12. resp. 124.*

Th. XII. Executio provisionalis hoc præprimis respicit, ne actio instituta vel instituenda reddatur inanis, & ut salvum maneat jus actoris, isque in casu victoriæ consequi possit, quod actione instituta petiit vel petere destinavit. Pro diverso modo & ratione exequendi diversos habet effectus: Modò facit ut provisionarius, ita in possessionem missus fructus consumptos suos faciat, quia bona fides ei id præstat, quod aliis in consumptione dominium præstat *l. 136 ff. d. R. l. ibiq.* D. Præses *in comment.* modò missus in possessionem rem detinet, ut adversarius tædio rerum suarum ab alio detentatarum affectus veniat & se defendat, aut id quod petitur, præstet damnumve imminens avertat *arg. l. 4. §. 1. l. 15. d. damn. infest.* Et eo modo missus, ex primo sc. decreto, non possidet, sed in possessione solummodo est *l. 3. §. d. acqu. vel amit. poss.* Aut, si invitis partibus à iudice ex causa duntaxat facta sit, hæc executio, possessio non transit in eum, apud quem mediante hac res est deposita, custodiæ enim tantummodo causa res alteri commissæ commendatur *l. propriæ C. deposit.* Non tamen facit hæc executio provisionalis præjudicium, quæſtioni principali per expressum textum *l. 5. §. 9. ff. d. lib. agnosc.* Neque etiam possessio sequeſtratur eum in finem ut sequeſter,  
B possi-

possidet, sed ut possessionem h. e. rem ipsam litigiosam custodiat, ejusque usum sine durante conservet, donec lata à iudice in causa principis sententia in finis controversia imponatur.

## CAPUT II. QUANDO FIAT EXECUTIO PROVISIONALIS.

### SUMMARIA.

*I. Regulariter fit executio, quando sententia transit in rem judicatam. II. Appellatio producit duos effectus, unum devolutivum, alterum suspensivum. Facta provocatio non est innovandum est; alioquin super assensatu iudex à quo implorari potest. III. Cum executione provisionali aliter comparatum est, obtineri illa potest in medio iudicii conflictu. IV. Etiam si ab interlocutoria sententia fuerit appellatum. V. Uti & assensato revisionis remedio VI. In herede, qui sub conditione debet legatum prestare, legatarius post sex menses etiam in proprias heredis res & bona immit-  
ti potest.*

#### Th. I.

**Q**UAVIS executio regulariter fieri debet, postquam sententia transit in rem judicatam; Illa enim finem imponit, hæc vero accipit; & sententia dicitur quamdiu appellari potest, vel etiam si appellatum sit; si vero non sit appellatum, vel appellatio deserta, vel quod non appelletur à sententia, tutius sit, dicitur res judicata. Tunc enim vel imploratur officium iudicis nobile, vel instituitur actio iudicati, ut victor accipiat id, quod iudicis sententia ipsi est iudicatum arg. l. 4. §. 3. ff. d. de re iudic. Et nisi præstetur, statim iudicati agitur & in rem, sive species sit, sive corpus, si penes victum extet, fit executio §. 2. Inst. d. offic. iudic.

Th. II. Producit autem appellatio in primis duos effectus, unum devolutivum l. 1. & III. §. & C. d. appellat. quod sc. causam de-

deolvat ad jurisdictionem superioris Hahn. in *obs. pract. ad Wes. parat. d. appellat. verb. & per appellat. dem n. 10.* quæ suscipitur sine inhibitione Nov. 126. c. ult. Alterum suspensivum, *suspendenda executionem & jurisdictionem inferioris judicis* *Wes. d. nihil innov. appell. interpof.* adeò ut interposita & insinuata appellatio, quamvis à judice à quo repudiata ea sit, nihil in præjudicium deliberationis fieri, sed in eo statu omnia manere debeant, quæ tempore pronuntiationis fuerunt l. 3. C. de appellat. Nam facta provocazione perinde esse debet, ac si nulla sententia lata esset; cum in genere nihil sit innovandum, quamdiu de appellatione non fuerit pronuntiatum, l. un. pr. & §. 1. ff. nihil innov. appell. interp. manius enim Judici à quo per appellationem quasi constringuntur, ut nihil amplius in causa attentare possit Wesenb. parat. ff. eod. Si verò attentatum innovatumque quid fuerit, super attentatis imploratur iudex ad quem, ut illa in pristinum statum restituantur c. non solum d. appellat. in 6. Et per libellum attentatorum illud revocatur & in expensas tam pars quam iudex condemnatur c. 1. X. hic. Gall. 1. obs. 1. & 6. n. 11. ubi formam sententiæ annectit.

Th. III. Ast cum nostra provisionaliter executione paulo aliter comparatum est. Illa peti atque obtineri potest in medio iudicii confictu, antequam reus in causa principali condemnatus fuerit; modò probabilis subsit causa, vel saltem iusta suspicio, super qua, tanquam nova & incidente causa, summariter cognoscitur atque demum executio provisionaliter fit. Hinc non solum in iudicii prima, uti vocant, instantia sed etiam in secunda executio provisionalis locum habet. Ponamus enim possessorem male uti rebus, quæ restitui petuntur, neque consumptis omnibus fructibus prædia habere adhuc sufficientia ad quantitatis & accessoriorum petitorum in libello contentorum valorem Curtius d. sequestrat. n. 14. Et enim hæc executio provisionaliter, ut damnum & præjudicium tertii, adversus quem abusus tendit, evitetur, maxime cum Reip. inter sit, ut ne quis rebus suis male utatur l. etiam 28. §. l. et. ff. solut. matrim.

Th. IV. Etiam, si ab interlocutoria sententia fuerit appellatum, executio provisionaliter institui potest contra eum, qui fugæ se parat, & prodigalitatis suspectus est, vid. cap. seq. eadem.



enim, de qua jamjam dictum, subest ratio, scil. ne judicium reddatur illusorium, & actor in casu victoriæ de re litigiosa parum aut nihil conficiat. *Costal. in adversar. ad l. fidejussor. 7. ff. qui satisfac.* Ibi autem eadem juris ratio, ibi idem jus arg. *illud. 32. ff. ad*

Th. V. Stante hæc, quod etiam pendente appellatione executio provisionaliter fieri queat, sequitur, quod eo magis intentato revisionis remedio (quod est auxilium juris extraordinarium, quo sententia Camere imperialis sine dolo quidem, culpa tamen erroreve lata, reperiit diligenti actorum inspectione & unica partium coram revisoribus deductione impugnatur, & in melius reformari petitur Dn. D. Roth. *dissert. de remedio revision. advers. sentent. Camer. imperial. cap. 1. th. 7.*) fieri possit, præsertim cum hodie per Recessum Imperii de anno 1654. §. 124. effectus suspensivus qui ipsi per Recess. Deput. anno 1600. §. als auch Streit vor-  
gefallen ibi: So ordnen und wollen wir doch tribuebatur, rursus sit sublati, & solus *devolutivus* ei sit relictus, d. §. ordnen und wollen auch / daß gleichwohl der effectus suspensivus bey den gesuchten revisionibus wieder die Cammer. Gerichtliche Urtheil inskünftige aufhebt und allein devolutivus statt finden solle &c.

Th. VI. Hoc singulare est in herede, qui sub conditione præstare legatum obligatus est, ut si legatarius missus sit in bona hereditaria, cum heres petitam cautionem non præstiterit, nec satisfaciatur legatario, i. e. non caveat, nec solvat, legatarius post sex menses etiam in proprias heredis res, & bona immitti possit *l. 6. C. ut in poss. legat. l. 5. §. 16. ff. eod.*

### CAPUT III.

## EX QVIBUS CAUSIS PERMIT- TATUR EXECUTIO PROVI- SIONALIS.

SUMMA-

## SUMMARIA.

I. *Iusta ad statuendam hanc executionem præsupponuntur causa; Inprimis si quis iussu Prætoris semper.* Exempli loco ponitur legatum conditionale. II. *Quando latet reus.* III. *Quanam faciat aliquem dilatoris suspectum.* IV. *Ubi uxor ratione dotis aut donationis propter nuptias hanc immisionem in bona mariti, ad inopiam vergentis, petit.* V. *Motas armorum iudicem potest movere, ut rem apud tertium deponat, & hanc executionem decernat, postmodum vero partes audiat.* VI. *Eadem causa est, quando partium iura sunt obscura, ut iudex rem provisionaliter deponere possit apud tertium.* VII. *Causa alimentorum admittit executionem provisionalem; Sic mulier prægnans ventris nomine mittitur in bonorum possessionem defuncti, Si impuberi questio status moveretur, mittitur pupillus in bon. poss. ut inde alatur. In aliis casibus, ubi alimenta debentur, provisionaliter fit executio in bona debitoris.* VIII. *Ob incertitudinem nascendorum prægnans mulier mittitur in bona defuncti in tres partes, si unus existat filius.* IX. *Generaliter executio provisionalis permittitur, ubi iudici iusta & necessaria causa videbitur. Argumentum à sequestratione ad executionem provisionalem laudatur.*

### Th. I.

**C**um hæc species executionis censeatur irregularis, iustæ causæ, & ad procedendum tali modo sufficientes præsupponuntur. Inprimis ubi metus est dilapidationis, & quis iussui Prætoris seu Magistratus non obtemperat, executio & missio fit in bonorum possessionem v. gr. Quando legata sub conditione sunt relicta, pendente conditione ne ab herede dilapidentur, Prætor, ea propter imploratus, cautionem exigit ab onerata persona, se legata relicta existente conditione præstiturum t. i. ff. ut legat. seu fideicommiss. servand. l. 2. C. ut in poss. legat. & si onerata persona cautionem

tionem præstare detrectat, vel præsens non est, mittitur legatarius conditionalis in hæreditarium rerum possessionem, custodiæ causa *h. 5. p. ut in poss. legat. l. 3. C. de d.*

Th. II. Quando latitat reus, cum ad petitionem & in-  
tentionem actionis tribus edictis aut peremptorio uno, ut responde-  
at, sit citatus, eo non comparente, & ad ore contumaciam ejus  
accusante, Prætor executionem provisionalem juxta actionis qua-  
litatei a se decernit, *auth. & qui jurat C. d. bon. aut. jud. poss.*  
Est enim immissio aliquod remedium compulsivum, quo judex  
compefcit inobedientiam vel rebellionem partis non agnoscantis  
vel utiliter habentis ipsius jurisdictionem D. Struv. *exerc. 39. th. 21.*  
Olim quidem in omnibus indistincte bonis *gl. ff. in l. cum proponas.*  
*9. C. de bon. aut. jud. poss.* at hodiè pro mensura debiti, seu quan-  
titate petite *c. quoniam. §. frequenter X. ut lit. non contestat.* cujus  
correctionis fundamentum ponitur in *l. 6. §. 3. & §. sed si 4. C. d. his  
qui ad Eccles. add. Novell. 53. cap. 4.*

Th. III. Priusquam autem ob dilapidationem fieri queat  
hæcce executio, de ea satis debet judici constare, in primis si adver-  
sarius non possideat bona immobilia *l. sciendum. ff. qui satisd. cog. aut  
pauci rei controversæ non æquivalentia l. 31. ff. d. reb. aut. jud. poss.*  
& mali mores de præsentis *§. fin. ff. d. d. suspect. tutor.* & quod un-  
quam malefecerit, cum semel malus semper præsumatur talis *c.*  
*cum semel d. R. l. 1. in 6. l. 2. C. d. Episcop. aud.* ubi sufficit alterum eo-  
rum *d. l. sciendum qui satisd. cog.* Quomodo ob fugam debitor  
fiat suspectus vid. *dissertat. D. Præsidis de Fuga. th. 26. pag. 75. &  
segg.*

Th. IV. Quando maritus ad inopiam vergit, culpa sua  
id fiat, vel sine illa, nil interest, uxor ratione dotis, ut salva ac il-  
libata ipsi maneat, nec non donationis propter nuptias, missionem in  
bona mariti, etiamsi is in lauta & bene aucta parte sit constitutus,  
petere, provisionalisque executio obtineri potest Brunnem. *ad l. si  
cum, 22. ff. solut. matrim.* interest enim Reip. ut mulieres suas do-  
tes salvas habeant *l. 1. solut. matrim.* imò prospicitur hac ipsa ex-  
ecutione marito, dum prudenti æconomica administratione ino-  
piæ ejus succurritur, unde eò commodius se exhibere queat.

Th. V.



Th. V. Metus armorum iudicem movere potest, ut si super litigiosa & momentanea possessione litigetur, ex omni & momento proprio, partibus prospiciat, ac rem mediante violentia apud aliquem deponat, provideatq; ne ad aram veniat, necemque violent, postmodum vero cognoscat, et si in momentanea possessione sit adjudicanda. Quod tamen eo casu fit, quando in bonis litigantium possidet, sed uterque se possidere contendit. *Gail. obs. 5. n. 5.*

Th. VI. Eadem ratio est, quando per una eandemque re plures litigant, partiumque iura sunt obicere ac interiri, tunc iudex salvo cuiusque partis iure, provisionaliter rem sibi tertium potest deponere, *Coler. d. process. ex. lib. 2. c. 1. n. 1.*

Th. VII. Causa alimentorum tam favorabilis est, ut executionem provisionalem commodè admittat. Sic mulier prægnans nasciturorum liberorum seu ventris nomine mittitur in bonorum possessionem defuncti, quæ dicitur bon. poss. decretalis *D. Struv. ex. lib. 30. th. 9.* & mittitur prægnans mulier in bon. poss. ut ipsi alimenta propter factum præstentur, licet incertum sit, an prægnans sit *Surd. d. aliment. lib. 1. qu. 5.* quia æquus est, vel frustra nonnunquam impendia fieri, quam denegari alimenta ei, qui dominus bonorum aliquo casu futurus est *l. 1. §. 2. ff. d. ventr. in poss. mittend.* Idem est, quod si impuberi moveatur controversia status, an sit defuncti filius, tunc nisi manifesta calumnia mulieris appareat, mittitur pupillus in bonorum possessionem, ut inde alatur, illisque ad tempus pubertatis utatur, quod causa status plenius cognosci possit. *Brunnem. ad l. 1. ff. d. Carbonian. Edict. D. Præses in dissertatu d. jure prægnans, cap. 7. th. 4.* In aliis quoque casibus, ubi alimenta denegantur iis, quibus debentur, si mandatis sine clausula compulsoribus, quæ in hac causâ ex consuetudine Germaniæ decerni solent, vid. *Frid. Mindan. d. process. lib. 2. c. 54. th. 4. Gail. obs. 1. n. 2.* non pareatur, provisionaliter fit executio in bona debitoris, qui prospicitur alimentario, ut suum interim consequatur, *Coler. d. proc. ex. lib. 3. c. ult. donec quantitas alimentorum igni missa æstimetur ex arbitrio iudicis l. fin. C. d. ordin. cogn. Rebuff. in commentar. ad Constit. Reg. nr. d. sentent. provisional. in præfat. n. 29, 30. Menoch. d. præsumt. lib. 1. pr. 35. n. 35.*

Th. VIII.

Th. VIII. Ob incertitudinem nascendi partus ejusve numeri vidua pragnans provisionaliter in tres partes hereditatis mittitur in bona defuncti, ita ut si paterfamilias mortuus relicto uno filio & ore pragnante, filius adhuc natus quartam saltem partem, ob incertum nascendorum numerum, quippe cum tergemini interdum procreari, petere possit, tamen, ut si postmodum unicus nasceretur, reliquæ duæ partes duobus accrescant l. 3. ff. si pars heredes pet.

Th. IX. Et generaliter, ubi judici justa & necessaria causa videbitur, hæc executio locum habet *Mevius part. 2. decis. 376.* & causæ sequestrationum rectè huc applicantur; ut dicendum sit, ex iisdem causis, ex quibus sequestratio permittitur, concedi quoque executionem provisionalem; Cum tamen quoad illam plures causæ in jure sint definitæ atque expressæ. Dicimus etiam in causis nomine tenus non expressis, eandem tamen rationem habentibus, & sequestrationem & hanc executionem provisionalem concedendam esse, ubi enim eadem ratio militat, ibi eadem sit oportet juris dispositio l. i. *lud. 32. ad L. Aquil. l. neque. 10. l. 12. d. legib.* Neque existimandum est, odiosam esse hanc executionem ideoque non extendendam; nam etiam in odiosis ex itenditate rationis extensio fit ad similes casus, *cap. 1. §. item qui dominum. vers. sed quia natura, que fuit caus. benef. amitt. 2. feud. iii. 24.*

## CAPUT IV

AGIT

### DE CAUTIONE PRÆSTANDA, ANTEQVAM EXECUTIO PROVI- SIONALIS DECERNATUR.

#### SUMMARIA

I. Quoniam alterius periculum sub hujus executionis actu versatur, securitas querenda. II. Rectè injungitur pendente lite & inserposita appellatione cautio. III. Cautio sic

sio sit idonea & sufficiens. Num verò talis sit, iudicis a-  
 triorelinquitur. IV. Superflua vel non necessaria nemo oner-  
 andus. V. Fis cautio vel fidesufforibus. VI. vel 7. gno-  
 ribus. VII. Num parata promisso sufficiat? VIII. 28  
 promissioni suarelinquitur. IX. Quis fidei cautionem p-  
 re decretes? X. Formula cautionis iudicis præsripto de-  
 terminatur.

#### Th. I.

**Q**Voniam aliena bona possidere non est sine periculo, &  
 durius, amittere bona, quam nullā unquam habuisse; se-  
 curitas, qua metum periculi avertamus, querenda est. Aver-  
 titur autem consiliaturque securitati mediante *cautione*, qua in  
 casu obtinendæ executionis provisionalis omnino opus est, l. 3.  
 §. 1. ff. d. collat. l. 5. ff. & l. 1. C. d. Carbon. edict. Et securus reddē-  
 dus est adversarius de recte utendo atque in casum restituē-  
 dæ possessionis, Paul. Christin. ad consuet. Asechlin. tit. 1. art. 30.  
 num. 2. Et hoc est, quod eleganter docet Mevius p. 7. decis. 297.  
*Provisionales*, inquit, *adjudicationes*, *que sunt pendente lite ex cer-  
 ta atque tali causa, qua equum facit, non expectari extremum li-  
 tis eventum, sic faciendæ sunt, ut in casum victoriæ tantum sit pro-  
 visionaliter condemnato aut præstare jussu, inde non fieri solent,  
 nisi iuncta simul petenti satisfactione, qua securum reddat reum.*  
 præsertim si suspicio adsit, illum, contra quē sit missio in posses-  
 sionem bonorum, non ex fide administraturum; quo casu &  
 si insignis suspicio fraudulentæ administrationis subsit proque  
 petitore justa militet præsumtio, lite pendente commo-  
 do possessionis privari potest, Postius *de manrent. observ.* 104.  
*in fin.*

Th. II. Cautionis remedio tunc demum justè utimur,  
 cū petitoris jus certum, ac tenentis planè illiquidum est: Mev.  
 p. 1. decis. 24. num. 6. & hoc fit etiam pendente lite & interposita  
 appellatione, ut iudex cautionem injungat, & pro ea necessa-  
 ria disponat l. posteaquam §. Imperator ibi Bartol. ff. ut legat. nom.  
 caveat. Marantha in specul. part. 3. sect. part. princip. n. 164. Sic-  
 uti enim se habet provisionalis executio, ut ad licitum & illi-  
 citum



tum utrinque se habeat, ac quod fieri & non fieri possit, ita etiam cautio vel securitatis præstatio, non tamen sine cautione expedienda. Bartol. in l. iuric. ff. si quis suo dic. non obtemper.

Th. III. Cautio sufficiens si necesse est, idonea & quæ sit. His hoc præstat, quod ac si executio nunquam facta, fuisset, præstare debet. Coler. d. process. execut. part. 3. cap. 11. m. 9. & seq. Non tamen nimis rigide cautio exigenda est l. gratia ff. illa l. ff. d. fidejussor. l. 1. ff. si quis sub ff. ut legat. nom. cav. nec in plus quam res, cuius possess. mittitur petitor, Mev. ar. de arrest. cap. 23. n. 62. Quænam autem sit sufficiens cautio, id iudicii arbitrio relinquendum est, statuente Menoch. d. arbitr. jud. quest. lib. 2. cas. 141. Et circa cautiones iudex ita rem curare debet, ut prospectum sit alteri parti, altera tamen nec ad impossibilia adigatur, quomodo consulit Faber in Codic. lib. 3. tit. 26. de fin. 2. in fin.

Th. IV. Superflua autem cautione nemo onerandus l. hac stipulatio. ff. Divus. ff. ut legator. vel fideicommiss. caus. l. non cogendum. ff. Sabinus. ff. d. procurat. Hinc est, quod si speciali cautione satis prospectum sit reo, exigere nequeat cautio, non enim tenetur ad cautionem, à quo alias satis cautum. l. si in 3a ff. fin. ut in poss. legat. Nempe vel ex tacita hypotheca, cum legis provilio faciat supervacuam hominum providentiam l. in donationibus 31. C. d. donat. vel ex detentione rei, plus enim cautionis in re, quam in persona est l. 25. d. R. l. vel ex alio quod debet & mox solvendum, vel ex providentia iudicis, cum declarat, quo modo cautum, interea paritum esse queat, prout eleganter docet Mevius part. 7. decis. 297. n. 3. seq.

Th. V. Fit cautio vel fidejussoribus idoneis & locupletibus. Quales dicuntur in iudicio sistendi causa non tantum facultatibus, sed etiam conveniendi facilitate l. 2. l. 10. ff. qui satisf. cog. & qui ex arbitrio litigantium & iudicis approbati sunt, consideratis personarum agentium & defendentium qualitate & negotiis, de quibus agitur. Cuius fidejussorie obligationis effectus, ut si aliquando bona, in quæ provisionaliter facta est executio, forte una cum fructibus sint restituenda vel possessi-  
one

one dimittenda, ratione præstandorum, non solum ipsi sint obligati, sed etiam heredes obligatos relinquunt *l. 49. ff. d. O. & A.* quamvis in instrumento nulla fiat mentio heredum, Acc. in *J. 2. Inst. d. fidej. l. 13. C. de contrah. & committ. stipul.*

Th. VI. Vel sit pignoris, si fideiussores haberi nequeant, vel depositum sufficit, Hieron. Carpan. *de Statut. Mediol. p. 44. n. 11. & seq.* Sic sufficit generalis hypotheca, ubi constat caventem esse opulentum, & illum, cui cavetur, satis fore securum, ut non opus sit speciali nexu rem aliquam eius involvere; Ast si de eo non constet, quin potius argumenta alicujus inopiæ emineant, non nisi specialis hypotheca sufficit, uti in terminis docet Mevius *part. 3. decis. 76.* Hanc rem arbitrari iudex per legem imperii potest; Ita enim in Recess. Spirensi ex conventu Deputatorum de anno 1600. provisum est, *J. So* ist auch aus überreichten und zusammen getragenen Bedenken nichts gewiß und beständiges zu schließen gewesen, ob die Caution sub hypotheca omnium bonorum in Urtrest Sachen gnugsam / in Ansehung die Fälle und deren Umstände vielfältig mancherley / Derenthalben haben wir uns belieben und gefällig seyn lassen / daß solches dem arbitrio iudicis, welcher nach Befundung der Umstände causæ rerum & personarum in solchem iederzeit ein gebührliehen Ausschlag zu geben / heimgestellt werde.

Th. VII. Num verò in defectu fideiussorum & pignorum juratoriae cautioni ad obtinendam provisionalem executionem locus sit, meritò dubitatur. Imputet enim sibi, quod nequeat cavere idoneè Bald. in *l. 2. C. d. usur. & fructib. legat.* Attamen, ne propter paupertatem & cavendi inidoneitatem, uti loquuntur, quæ accidens quiddam est, & extra subjecti potestatem, adversarius damnum patiatur, æquius est ita provisionaliter executionem fieri, ut si non ipsi adversario tradatur, apud tertium tamen deponatur & sequestretur per *l. 5. J. 1. in fin. ff. ne legat. caus. caveat.* Vel etiam, si utriusque litigantis æqualis sit conditio, & insigne præjudicium alterius concurrat, adversarium ad possessionem mediante hac executione admitti posset statuit Cæsar. Contrad. in *Comment. C. d. moment. possess. qn. 23.* Optimum est, si juratoria cautio jungatur pignoratitiæ, quando de hujus idoneitate dubi-

dubitatur, ita ut quod ex alia deest, suppleatur, quomodo in si-  
militudine suppleveruntur fidei petitur. *l. in bona 3. C. d. reb. cred. &*  
*pignoratitia causa iurejurando convalidatur.* Namque in pluri-  
bus juramentis non adhibetur, ut subalternarium infirmorum remedi-  
um. *l. si quis 2. de off. v. n. 2.*

Th. VIII. Impositum possessione liberat a satisfactione, sed  
non tota, nisi praestita simul cum eorum hypotheca cautio facta sit  
*l. filio. p. ut legat. seu fideic. serv. caus. l. ult. §. defensionem; C. d.*  
*administ. tut.* idcirco si quis petat provisionaliter immitte, non  
sufficit eum possidere immobilia, sed debent in securitatem re-  
stitutionis res illas oppignorari. *Jafon. in l. i. num. 2. ff. qui satis-*  
*dur. cog.*

Th. IX. Cautionem petitam injunctamve si non praestet  
adversarius, provisionalis executionis commodo frui nequit. Sic  
in casu ubi ex parte impuberis, cui questio casus movetur, propter  
alimenta in bonorum possessionem petenus praestari debet cautio  
de bonis interim non diminuendis; si non praestetur, agna-  
ti etiam in bonorum possessionem mittuntur *l. i. §. 2. d. Car-*  
*bon. edict.* Nam manifestae turpitudinis est cavere nolle, cum ta-  
men quis debeat. *Cyn. in l. 2. ff. d. condit. caus. dat.*

Th. X. Superest denique agendi locus de formula cautio-  
nis; circa quam saepius partes non leviter certant, praesertim pars  
illa, contra quam ejusmodi executio petitur, quae cuncta ad vi-  
vum rescare solet. Verum litem partium super cautionis formu-  
la iudex praescripto suo finit; & quidem statim hoc a iudice fieri  
praestat, quod aliquando post moras & rixas necessarium est. *Mev.*  
*p. 4. decis. 165.*

## CAPUT V.

DE

OFFICIO MAGISTRATUS CIR-  
CA MANUTENTIONEM FACTAE EXE-  
CUTIONIS PROVISIONALIS, ET A-  
CTIONIBUS INDE COMPETENTIBUS.

SUM-



## SUMMARIA.

*1. Magistratus statuens executionem provisionalem  
eam quoque tenetur eueri. II. Competit missio in possessionem,  
si expellatur, actio in factum. III. Secus est  
absq. causa cognitione iussu iudicis. IV. Possessionem  
ei potest resisti.*

### Th. I.

**M**agistratus statuens executionem provisionalem, serio eam  
tueri debet. Unde Prætor æquissimum edictum promulga-  
vit, *ne vis fiat ei, qui in possessionem missus est*; frustra enim in  
possessionem mitteret, rei servanda causa, nisi missos tueretur &  
prohibentes eire in possessionem coerceret. *l. 1. §. 1. ne vis fiat ei.*  
Namque unusquisque possidens, seu detinens de presenti de-  
bet in sua possessione, vel quasi tenetur, in quo reperitur, manu-  
teneri, Posth. in *præcl. de manutent. obs. 10. num. 90.* neque cau-  
sæ principales, quæ instar tituli se habent, huic pertinent, sed iis  
rejectis, in statu, quo quis possidet, debet defendi. Idem *decis. 151. num. 20.*

**Th. II.** Præterea competit actio in factum missio in pos-  
sessionem, si expellatur: quia frustra in possessionem mittitur, nisi  
missus defendatur *l. 1. §. est autem & §. hæc verba. ff. ne vis fiat ei.*  
Non tamen potest uti remedio *l. si quis in tantum. C. unde vi.* quia  
dicta lex loquitur de possessore legitimo per vim expulso; hic au-  
tem non habet verè possessionem, ut nec ei lex illa accommodari  
potest. Bartol. in *l. 1. §. hæc actio, ne vis fiat ei.*

**Th. III.** Secus est, si quis iussu iudicis, absque causæ co-  
gnitione & decreto facto super executione provisionali, venerit, v.  
g. post appellationem in possessionem, manutentitiæ mandatum  
non potest impetrare, neque eo defenditur, utcumq. alias quis-  
que in possessione sua qualicunque donec lis pendet, defenden-  
dus *l. r. §. fin. l. 2. ff. ut possid.* quoniam non secundum ordinem  
& iussu legitimo obtinuit possessionem, sed ex mero attentato, ut  
propterea instar notorii atque violenti spoliatoris habeatur, quem

ne tuetur justitia, Lancelot. *in tr. d. attentat. part. 3. cap. 31. num.*  
127. Imò injuriosa executioni & post eam factis de facto resisti po-  
test, cum talis immissio executioni provisionali neutiquam sit com-  
muni, nunquam sine gravi justaque causa sit; alit si judex  
interpositam & intimatam appellationem executio-  
nem, cum eam sine attentati vitio facere aut rogare nequit *l. un.*  
*ff. nihil in x. interpos. appellat.* Unde unicuique injustè exequen-  
ti naturali ac civili jure resistere permissum est *l. 19. §. pen. ff. ad L.*  
*Aquil.* atque attentantis spoliatori & violento inasori æquiparatur  
Lancell. *in tr. d. attent. p. 3. cap. 31. n. 77.*

## CAPUT VI & ULT. QUOMODO EXECUTIO PRO- VISIONALIS VEL IMPEDIATUR VEL RELAXETUR.

### SUMMARIA.

I. *Executio provisionalis tollitur vel relaxatur medi-*  
*ante satisfactione. Referuntur casus.* II. *Relaxatur ex-*  
*ecutio, quando lis finita est per sententiam, qua transit in*  
*rem judicatam.* III. *Si quis id quod debet solvis relaxa-*  
*tur hac executio.*


### Th. I.

**I**mplorato nobili judicis officio petenda, nō propria autoritate faci-  
enda est relaxatio factæ executionis, quæ fieri potest per satisfactio-  
nem, si eam is, contra quem decreta est, idoneè præstet; cautio enim  
est extremorum istorum medicina Brunnem. *ad tit. C. de ordin. co-*  
*gnit.* Sic in casu, ubi pupillus mittitur in bonorum possessionem,  
si agnati satisfiant pupillo, ipsis conceditur administratio *l. 5. §. 2.*  
*ff. de Carbon. edict.* Et si quis ex primo decreto sit missus in pos-  
sessionem bonorum, si in actione reali intra anni spatium veniat,  
& con-

& contumaciam purgât, ipsam rem præstita prius satisfactione  
 iudicio fisci, nec non relictis expensis, recuperat. *potest*  
*cius, C. d. iudic. & auth. & qui jurat. C. de bo*  
 In personali verò actione quandoque venit,  
 dum decretum interpositum fuit, & præstita  
 fisci offert & damna atque expensas ob contumaciam. *re*  
 stituat, audiendus *l. si quis §. pen. C. d. præscript. 30. vel* *near. &*  
*l. si finita. §. 34. d. damn. infect.* Quæ verò de sufficienti cautio-  
 nis respectu executionem impetrantis dicta sunt, huc recte refe-  
 runtur. Habet autem locum cautio, nisi armorum & vitæ peri-  
 culum aut metus turbationis publicæ tranquillitatis velit, ut exe-  
 cutio procedat aut facta persistat; Nam satisfactio malevolum pro-  
 positum non mutat *arg. §. novissime. Inst. d. suspect. tut.*

Th. II. Porro relaxatur executio, si controversia quoad causam  
 principalē sit finita per sententiam, quæ transiit in rem iudicatam  
 gloss. in *l. 2. C. ut lit. pendent.* Si verò à sententia iudicis fuerit ap-  
 pellatum, lis finita non dicitur, neque tollitur facta executio ad-  
 eoque non solum in prima, verum etiam in secunda appellatio-  
 nis instantia executio durare debet *l. litibus. 20. C. d. agricol. &*  
*censur.*

Th. III. Legatario, cui sub conditione aliquid relictum, neq;  
 heres petitam cautionem, se illud existente conditione præstaturum;  
 in hereditariam rerum possessionem misso præstiterit, executio  
 provisionaliter facta resolvitur, si hæres legatum exsolvit *l. §. 17.*  
*§. ut in possess. legat.* Atque hæc sunt, quæ brevioris tempō-  
 ris spatio inclusis chartæ subicere licuit,  
 Cum Deo aliquando meliora!



COROL-



## COROLLARIA.

malam fidem accedentem usu-  
non constituitur.

Filius emancipatus & à sacris paternis  
remissus, cui nihil relictum est, fideicommis-  
so onerari nequit.

III. Jus repræsentationis in linea recta  
locum habet in infinitum.

IV. Filius sumtus studiorum causâ fa-  
ctos conferre non tenetur.

V. In criminalibus delictis, etiam capi-  
talibus, fidejussor dari potest.

VI. In societate omnium bonorum fi-  
liæ dotem de communi pater largiri potest.

VII. Raptor non mitiori pœna, eo  
quòd pœna sit triplum, furti verò manifesti  
quadruplum, afficitur quàm fur.

VIII. Post litem contestatam libellus,  
quoad substantiam mutari nequit.

IX. Pactum, ut quis fundum alterius  
ingrediatur propria autoritate, validum est.

X. Filii patris perduellionis rei morte  
non sunt plectendi.

